

# Aretxagazeta

ARETXABALETA / Egubakoitza / 2005eko urriaren 7a

395. zenbakia

KOORDINATZAILEA: Mirari Altube • Durana 11 ARETXABALETA 20550 • Tel.: 943 79 86 21 • Faxa: 943 77 18 54 • Posta elektronikoa: aretxagazeta@goiena.com • Lege gordailua: SS378/94

## Erretiratuen egunarekin herriko edadekoak omenduko ditu Udalak

MIRARI ALTUBE

Urriko lehen zapatuan ospatu ohi du Udalak Erretiratuen Eguna, eta halaxe egingo du bihar, urriak 8. Meza entzun ostean bazkari bikaina eskainiko diete kirol etxean, eta dantzaldia eginda bukatuko dute eguna herriko edadetuek. Opariekin itzuliko dira guztiak etxera.

Ezin hutsegiteko moduko hitzordua daukate herriko edadetuek bihar. Urtero elkartzen dira 300 bat erretiratu, eta egun pasa bikaina egiten dute, Udalak antolatuta.

### BAZKARI GOXOA

Salda beroa hartuta hasiko dute eguna edadetuek. 12:30ean meza izango dute parrokiaren eta horren ostean bazkaltzera hurreratuko dira kirol etxera. Euskaldunok mahaiaren bueltan egiten ditugu ospakizun guztiak, eta bazkari ederra antolatu diete: barazki menestra, pikillo piperrak, mihi-arraina almendra saltsarekin eta bildots errea. Tarta izozkiarekin jan eta gero kopatxoa hartu eta purua erretzen ere utziko diete.

Bazkaria ederra, baina bazkalostea ez da gutxiagorako izango. Juan Luis Lekunberriren taldeak giroa die eta dantzari bikainak direla erakusteko aukera izango dute. Eguna bukatzeko zozketa egingo dute, eta urtero moduan opari bikainekin itzuliko da bat baino gehiago. Gainera, inor gera ez dadin ezer barik, guztiei banatuko dizkiete opari txikiak.



ARTXIBOA

Herriko 300 bat erretiratu elkartuko dira kirol etxean bazkaldu eta dantzan egiteko.

*Barazki menestra, piperrak, mihi-arraina eta bildots errea jango dituzte bihar erretiratuek*

### HERRIKO NAGUSIENAK

Herriko nagusienekin ere gogoratzen dira Udaleko ordezkariak, nahiz eta ospakizunera ez etorri. Aurtengo nagusienak 98 urte dituen Joaquín Barbero Sanchez eta 99 urteko Gregoria Larrucea Basaras dira. Bien urtebetetze

*Nagusienak 98 urte dituen Joaquín Barbero eta 99 urteko Gregoria Larrucea dira*

egunak, gainera, abenduan dira, eta Gregoriak 100 urte beteko ditu Gabon egunean. Opari bereziak jasoko dituzte biek, bihar; Joaquinek Urats-Gain zaharren egoitzan -iaz ere jaso zuen gizonen nagusiena zen- eta Gregoriak etxean.

## Zabalik dago gaztelekua gaurtik Iralabarri plazan

M.A.

Gaur, urriak 7, egin dute gaztelekuaren inaugurazio ekitaldia. Gazteak Iralabarri plazara hurreratzeko, ekintzaz betetako arratsalde pasa antolatu dute Gazteria Saileko ordezkariak: merienda, super-jumping eta arku tiroketa. Gaztelekua zabalik dago aste-buru eta jaiegun guztietan.

Herriko gaztetxoek, 12 eta 17 urte bitartekoek, badaukate non egon hemendik aurrera. Aste-buru, jaiegun eta opor garaian zabalik izango dute gaztelekua 16:30etik 20:30era bitartean.

### HEZITZAILE BIREN ARDURAPEAN

Gazteen gaineko azterketa egin zezala eskatu zion Udalak Foru

Aldundiari. Azterketaren arabera nerabezaroari dagokion adin tartea zen beharrik handiena zuena Aretxabaletan. Hala, gaztelekua abian jarri eta 12 eta 17 urte arteko gazteendako egonlekua antolatu du.

Hezitzaile bi egongo dira gaztelekuan. Gidari lanak egingo dituzte hezitzaileek, baina ez gehiago; izan ere, gazteak eurak izango dira ekintzak antolatu eta aurrera eroango dituztenak. Teletista bat eta prentsa izango dituzte eskura, eta hainbat txoko egin dituzte gazteak eroso egon daitezzen. Hala, puf delakoekin osatutako egonlekua eta jolas egiteko sei mahai jarri dituzte.

Oraindik ez dauka izenik Iralabarri plazako gaztelekuak, baina laster ipiniko dizkiote bai izena, bai logotipoa.



M.A.

Hainbat txoko ditu gaztelekuak, gazteak eroso egon daitezzen.

aretxabaletako  
gaztelekua  
urriaren 7an, arratsaldeko 5etan

Gazte! 12-17 urte artean badituzu,  
orain baduzu zure txokoa Aretxabaletan!

Etorri ostiralean Gaztelekuaren irekiera festara!



Merienda handia

Gaztelekua ikustea

Musika

Superjumping

Arku tiroketa

Jokoak



**FARMAZIEN TXANDA**

ZAPATUA, 14  
ITURRALDE, Belorrieta 1. . 943 79 27 22

DOMEKA, 15  
ITURRALDE, Belorrieta 1. . 943 79 27 22

**TELEFONOAK**

OROKORRAK	
Almen	943 71 49 07
ARETXAGAZETA	943 79 86 21
Faxa	943 77 18 54
Basotxo	943 77 09 81
Euskaltegia	943 79 21 68
Gizarte laguntzailea	943 71 18 62
Industrialdea	943 79 62 80
Institutua	943 79 79 00
Kirrol etxea	943 71 26 28
Kultura etxea	943 71 10 27
Garteria saila	943 71 10 27
Kurtzebarri Eskola	943 79 00 49
Kurtzebarri BHI	943 79 57 40
KZGunea	934 79 94 44
Liburutegia	943 71 18 62
Loramendi EE	943 77 09 70
Ludoteka	943 79 05 81
Mankomunitatea	943 79 30 90
Murruki ME	943 79 93 74
Musika Eskola	943 79 36 50
Osasun etxea	943 71 19 59
Otalora	943 71 24 06
Parrokia (bulegoa)	943 79 18 42
Pausoka Haur Eskola	943 77 03 77
Postetxea	943 79 28 31
Basabeazpi ikastola	943 71 21 18
Taxi geltokia	943 77 12 64
Udal Bulegoak	943 71 18 62
Udaltzaingoa	943 71 18 63
Urats Gain	943 79 99 11

**UDALTZAINGOA**  
Arasate . . . . . 943 79 14 39

**LARRIALDIK**  
SOS Delak . . . . . 112  
Eskualde Ospitalea . . . . . 943 03 53 00  
Ertzaintza . . . . . 943 79 71 99  
Gurutze Gohria . . . . . 943 76 55 76  
Larrialdiak . . . . . 943 46 11 11  
Suhiltzaileak (Ofiati) . . . . . 943 78 28 00

**MEZAK**

**ANDRA MARIAREN ZERURATZE PARROKIA**  
Domeketan: 11:00, 12:00  
Zapatuetan: 19:30  
Hiletak: 19:00

**SANTA RITA**  
Domeketan: 09:00  
Zapatuetan: 18:30  
Lanegunetan: 19:00

**BASERRI AUZOETAN: AREANTZA**  
Domeketan: 12:30.

**MENDIOLA**  
Domeketan: 12:00 (Otoitzaldia bakarrik)

**GELLAO**  
Domeketan: 11:30.

**IKASTAROAK**

**Eskulan, puntu eta antzerki ikastaroak antolatu ditu Loramendik**

M.A.

**Ikastaro garaia hasiera doa Loramendi Euskara Elkartearen eskutik. Eskulanak, puntu-lanak, kakorraz-lanak eta bainika ikastaroa dauzka eskuak erabili gura dituenak lanerako, eta antzerki ikastaroa gorputza lantzeko. Guztiak izango dira udaletxe zaharrea.**

Urria aurrera doa eta udazkenarekin batera ikastaroen ikasturtea hasiko du Loramendi EEk. Izena emateko etorri udaletxe zaharrera, Loramendi EEren lokalera, arratsaldetan.

**ESKULANAK**

Eskulan ikastaroak martitzen arratsaldetan, 18:00etatik 20:00etara emango ditu Rosa del Aguila irakasleak. 30 orduko ikastaroa da, eta panpinak, margolanak eta beste hainbat lan egiten erakutsiko die bertaratutakoei. Urriaren 18an hasiko dituzte eskolak.

Kakorraz eta puntu-lanak, bainika eta pachtword egiten irakasteko Blanka Perea etorriko da


*Antzerki ikastaroa emango du Trilkimailu taldeak, gazteendako, astelehenetan*

udaletxe zaharrera eguztenetan, 18:00etatik 20:00etara. Ikastaro horrek ere 30 ordu iraungo du eta urriaren 19an hasiko dute.

Antzerki ikastaroa, ostera, astelehenean, urriak 10, hasiko dute. 12 eta 16 urte arteko gazteendako da eta Trilkimailu talde aretxabaletarrak emango du. Lau astelehenetan izango dira eskolak, alegia, urriaren 31 arte, 18:00etatik 19:30era bitartean.

**BERTSO ESKOLA**

Leintz Bertso eskolaren eskutik Aretxabaletan ere bertsoak lantzeko ikastaroa eman gura dute. Gaztetxoendako dira eskolak, 9 eta 11 urte bitartekoendako, eta urrian



ARTXIBOA

Besteak beste, panpinak margotzen erakutsiko du Rosa del Aguilak.

hasi eta ekaina bitartean emango dituzte. Ikastetxeetan zabalduko dute izena emateko epearen berri, ordutegia zehazten dutenean.

Beste ikastaro bi ere emango dituzte hemendik eta Gabonetara

bitartean: txalaparta eta sukaldaritza ikastaroak.

Bestalde, aipatu San Migel jaientan zozketa egin zuela Loramendi EEk bazkideen artean, eta afaria Alaitz Errastirendako izan zela.

**FOTONOTIZIA**



**Jaia pasatu ostean garbitu egin behar**

Kilometroak jaia pasatu da eta jai erraldoiak hondar ugari utzi zituen herriko bazterretan. Udalak garbitzeko zerbitzua indartu zuen eta 4.000 euro zehaztu zituen. Kilometroetako gunee eta ibilbidea garbitzeko, ostera, boluntarioak eta ikastetxeetako ikasleak etorri ziren. Ibarako gunean sortutako lokatza ia herri guztira zabaldu zuten oinetakoek eta nahiko lan izan zuten garbitzen. Desmuntatze lanak, ostera, aste guztian egin dituzte. /M.A.

**LABUR**

**Bake epaile izateko izena eman daiteke udaletxean**

Udalak bake epailea hautatu behar du ondorengo egunetan. Hortaz, bake epaile izan gura duenak hurrengo lau urteotan eman dezala izena udaletxean. Baldintza bakarra dago: 18 urte beteta izatea. Izena emateko epea urriaren 28an bukatuko da. Udalbatzarrak hautatuko du gero bake epailea aurkeztutako lagunaren artean.

Bake epailearen eginkizunen artean daude: ezkontza zibilak zuzentzea, agiriak sinatzea eta adiskidetze-egintzak gidatzea.

**Mobiliario ARENAZA**

- ALTZARIAK
- DISEINUA
- APAINKETA

Bizkaia 1 - Tel.: 943 79 08 07  
ARETXABALETAKO

**IRIARTE**

Umeen denda



Helduen lentzeria

Durana 8  
Tel.: 943 79 10 96  
ARETXABALETAKO



FELIX PAGALDAY

Laborantza tresnak  
Ongarriak- Haziak

Mitarte 7 behea  
ARETXABALETAKO  
Tel.943 77 00 33/79 42 56

**ZARAIA**  
**taberna**

Goizeko 06:00etik irekita

Araba Ibilbidea 20 • ARETXABALETAKO • Tel.: 943 79 88 95

# Kadete mailako bikote bi dabilta jokatzeko Gipuzkoako Txapelketa

M.A.


Irailaren 17an hasi zuten Gipuzkoako Pilota Txapelketa eta Aretxabaletako bost bikote dabilta jokatzeko. Hiru bikote senior edo helduen mailan dabilta, eta beste biak kadeteen mailan. Azken horiek lehenengo aldiz jokatzeko dute txapelketa.

Hasi besterik ez dute egin Gipuzkoako Txapelketa, baina dagoneko jokatu dituzte lehenengo partiduak norgehiagoka gogorra izango dela jakiteko. Txapelketa luzea da; orain liga erara jokatzeko dabilta eta onenak finalurrekoetara pasatuko dira.

## HIRU SENIOR ETA BI KADETE

Kadeteen bigarren mailan Unai Gardoki eta Joseba Akizu dabilta jokatzeko. Orain arte partidu bakarra jokatu dute, eta irabazi. Kadeteen hirugarren mailan, oster, Aitor Uribarrenek eta Gorka Perez de Labeagak osatutako bikotea dago, eta galdu egin zuten aste bukaeran zumaiarren aurka, 13-22.

Seniorren lehenengo mailan Errasti anaiak dabilta. Lehen partidu galdua hasi zuten txapelketa, baina joan zen aste bukaeran



Aurten senior mailako hiru bikote eta kadete mailako bi dabilta jokatzeko txapelketa.

elgetarrei irabazi zieten 22-20. Seniorren bigarren mailan Lasagabaster eta Alzola daude, eta azken partidu galdu egin zuten ordiziarren aurka, 10-22. Seniorren hirugarren mailan, bestalde, Uriarte eta Oion bikoteak jokatzeko du, eta hauek ere galdu egin zuten azpeitiarren aurka, 9-22.

## HURRENGO HITZORDUAK

Domekan, etxean, jokatu dituzte partiduak bi bikotek: Uribarren eta Perez de Labeagak Alzako bikotea izango dute aurrez aurre, eta Errasti anaiak Añorgako pilotariak. Iturrigorri frontoian izango dira, 11:30ean hasita. Beste bikoteak kanpora joango dira jokatzera.

# Kadeteen lehenengo mailako taldeak partidu guztiak irabazi ditu

M.A.

Aretxabaleta Kirol Elkarteak kadeteen lehenengo mailako taldeak bikain hasi du denboraldia. Hiru partidu jokatu eta guztiak irabazi ditu. Joan zen aste bukaeran, gainera, hamaika gol sartu zizkion Urnietako taldeari. Lehenengo dago Elgoibarrek berdinuta.

Bixente Calzonek gidatzen duen taldeak ezin hobeto hasi du denboraldia. Partidu guztiak irabazi ditu, baina ez hori bakarrik,

hiru partidutan 22 gol sartu dituzte mutilek, azken partiduan 11, eta aretxabaletarrei ez diete bakar bat ere sartu.

Hurrengo partidu etxean jokatu du, bihar, zapatua, 16:30ean, Ibarra futbol zelaian, eta Mutrikuko taldea izango du aurrez aurre. Mutrikuarrek ez dute horren ondo hasi liga eta oraindik ez dute partidurik irabazi. Hortaz, puntuak hartzeko gogoarekin etorriko dira. Partidu polita izango da, Aretxabaletako mutikoei zela jokatzeko duten ikusteko.

## PREFERENTEA, PASAJESEN AURKA

Preferentean jokatzeko duen taldeak, oster, Pasajes izango du aurrez aurre domeka honetan, Ibarra. UDAko taldeak partidu bakarra galdu du eta bosgarren postuan dago 10 punturik. Pasajesek 11 puntu ditu eta laugarren postuan dago. Hortaz, talde biek pareko indarrak dituzten seinale. Dena dela, ikusi egin behar domekan zer egingen duen bakoitzak. 16:30ean hasiko da partidu, eta aretxabaletarrek eskertuko dute zaleen berotasuna.

## LABUR

### Fran Miguelek berdindu egin zuen Iñigo Argandoñarekin eta lehenengo jarraitzen du

Partidu erabakigarriak zituzten Fran Miguel eta Aitor Alcaidek joan zen egubakoitzean Arrasateko Xake Txapelketan. Franek Iñigo Argandoña donostiarra izan zuen aurrez aurre, eta berdindu egin zuten. Hortaz, sailkapenean ere lehenengo postuan jarraitzen dute biek, berdinduta. Franek 4 puntutik 3 eta erdi eskuratu ditu orain arte.

Aitor Alcaide, bestalde, Miguel Navaroren aurka aritu zen eta galdu egin zuen. Hala, 2 puntu eta erdi ditu Aitorrek. Domekan, urriak 9, txapelketako bosgarren jardunaldia jokatu dute, eta oso garrantzitsuak izango dira eskuratutako puntuak, hurrengo astean, urriaren 14an bukatu egingo delako txapelketa.

### Trialsineko Euskadiko Txapelketa jokatzeko dabilta hainbat aretxabaletar

Trialsineko Euskadiko Txapelketa aurrera doa; hala, laugarren jardunaldia jokatu zuten joan zen domekan Amurrion. Hainbat aretxabaletar dabilta jokatzeko, hainbat mailatan: infantilen mailan, Markel Uriarte; alebinetan, Aitor Murua; hasiberrietan, Iker Mendikute eta Unai Zuntzunegi; eta emakumei dagokien, Itziar Murua eta Oihane Aldai. Aipatutako guztiak ez dira jardunaldi guztietara joan, baina probaren bat edo beste jokatu dute. Gainera, ez dituzte batere emaitza txarrak izan, nahiz eta gero eta proba zailagoak izan, batez ere infantilen mailan. Hurrengo jardunaldia domekan da, urriak 9, Lezon, eta beste bi gelditzen zaizkie trialsineko txirrindulariei txapelketa bukatzeko.

## PARTIDUAK

### FUTBOLA

#### UDA-Pasajes

Preferentea.

Domeka. 16:30. Ibarra.

#### UDA/Arizm.-Tolosa

Infantil txikiak.

Domeka. 10:00. Ibarra.

### PILOTA

#### Aretxab. - Alza

Kadeteak.

#### Aretxab. - Añorga

Domeka. 11:30. Iturrigorri.

## EMAITZAK

### FUTBOLA

#### Orioko 2 UDA 2

Preferentea.

#### UDA 5 Eibartarrak 0

Bigarren mailako erregionala.

#### UDA/Arizm. 2 Bergara 2

Ohorezko gazteak.

#### San Ignacio 0 UDA/Arizm. 2

Lehen mailako gazteak.

#### Urnieta 0 UDA/Arizm. 11

Lehen mailako kadeteak.

#### UDA/Arizm. 1 Ilintxa 2

Bigarren mailako kadeteak.

Real Sociedad 3 UDA/Arizm. 0

Infantil txikiak.

#### UDA/Arizm. 1 Antiguoko 6

Ohorezko infantilak.

#### Gasteiz Cup 0 UDA/Arizm. 0

Emakumezkoen liga (seniorrak).

#### Urki 4 UDA/Arizm. 1

Emakumezkoen liga (kadeteak).

#### UDA 3 CB Tribuna Norte 3

Areto futbola.

**BASABE**

**jatetxea**

Basabe bidea z/g  
Tel.: 943 79 91 84  
Aretxabaleta

**Iber**

★ Loteria ★

✿ Paper denda ✿

✱ Liburuak ✱

Otalora 2.  
ARETXABALETAKO  
Tel.: 943 79 04 39

**ANDRA MARI**  
Aholkularitza

- Fiskala
- Kontablea
- Juridiko/laborala

Andra Mari Auzunea 3  
ARETXABALETAKO  
Tel. 943 79 29 26

**GARBITU S. KOOP**

**Garbiketa orokorrak**

Errekabarren 3- Behea  
ARETXABALETAKO  
Tel.: 943 79 01 28

**Jauregi Okindegia**

Otalora 10  
Tel.: 943 79 57 47  
ARETXABALETAKO

**MAPFRE**  
Aseguroak

Errekabarren 3  
Aretxabaleta  
Tel.: 943 77 11 76

**Hirusta**  
Jatetxea

Ilargi plaza 4  
943 79 06 57  
ARETXABALETAKO

## ATREBENTZIAEZPADA/ Kilometroak egunien lanien jardun zeuen; ze moduz joan zan egune?



**JONE ARENAZA**  
Bokadilluen txosnie



**XABIER BASABE**  
Señalizaziñue




**IDOIA ELEXPURU**  
Guneko arduradune



**JOSU ANTIXIA**  
Edarixen txosna/segurtasune



**IRAIA AGINAGALDE**  
Bokadilluen txosnie



**JULEN GARCIA**  
Trafikue

Bokadilluek egitten ibilli nitzen Copreciko txosnan. Eguardi inguruen eta illunkaran jente asko euki geuen. Egin euskun eguraldireko jente asko etorri zala pentsau jaten.

Zapatuen jarri eta domeka gabien kendu gittuen seiñaliek. Talde danek egin euen oso ondo lan: boluntarixoz izugarri euzen lan egitteko goguez, eta gune guztixek oso ondo funtzionau euen.


Arkarazoko gunetik 10:30ek inguruen hasi zan jentie pasetan, eta ez geuen bape arazorik euki. Boluntarixuek lan eta lan ibilli die; ez dakit nik halako talderik beste iñun topauko geukenik.

Lan haundixe egin geuen Ibarako gunien, eta eskerrik asko lagunketan etorri zien danei. Esan, gaiñera, litronekin datozenak eta bandalismue ez diela nahastu biher Kilometruekin.

Goixien, lelengo orduen bata bestiei begire egon gitzen, eta egunek aurrera egin ahala boladak euki gittuen. Bestelakuen, Urkulun kontzierto bat entzutie zoragarrixe pentsau jaten.

Goiz partien egon nitzen zainketan herrixen autorik sartu ez zein, eta jentie oso ondo portau zan. Gera tu geuen auto danek egin euskuen kasu, eta ez geuen bape arazorik euki.

### TXALOAK ETATXISTUAK



**TXALOAK BOLUNTARIOAK** Kilometroak jaia antolatzeak lan handia eskatu du bai aurretik, bai egunean, bai ondoren. Lan horiek, gehienak, boluntarioek egin dituzte. Egunean bertan 1.500 inguru ibilli ziren geratu ere egin barik: batzuk egun guztian, beste batzuk baldintza benetan eskasetan... Baina guzti-guztiak gogotsu, edozein lanetarako gertu eta umore ona galdu barik. / M.A.

### ORAINDELA 3URTEARETXABALETAN

## Etxabeetan etxebizitzak egiteko azterketa

Udalak herriko etxabeetan etxebizitzak egiteko azterketa egin eta txostena jarri zuen ikusgai. LKS aholkularitza zerbitzuak egin zion lana, eta etxabe guztiak zenbaitu ostean etxebizitza bihurtzeko aukera zutenen zerrenda atera zuen. Ordenantza erregulatzaila ere idatzi zuen Udalak.



### ASTEKODATUA

# 4.000

## EURO ERABILI DITU UDALAK GARBIKETA LANAK EGITEKO

Urriaren 2ak herrian utzitako zikinkeriak garbitzeko 4.000 euro aurreikusi zituen Udalak. Ibilbide eta guneetako garbitasun kontuak Kilometroak taldearen ardura izan ziren.

### BESTEKEESANA


Normalean, gaitz honek hogeitak bete eta handik puska batera erasotzen gaitu. Gure gizarte

ordenatu hau bikoteka bizitzeko antolatuta dago: ezkontza, etxebizitza, familia eredu, seme-alabak... Bikotea izatea beharrezko baldintza dela sinestera heldu gara, eta ondorioz, denok bikote hori bilatzeko ahalegina egin behar dugula. Badirudi, zorionsu izateko, ezinbesteko baldintza dela bikotea izatea.

Jaiotzen garenetik, zintzoak, politikak, kirolari onak eta argiak izaten erakusten digute. Eta askotan, esperantza izaten dugu prestakuntza honek guztiak bikotea aurkitzen erraztuko digula. Logika horren arabera, denok bikotea izan gura dugu, eta bikoterik ez duenak, ezin duelako izango da. (...)

LARRAITZ ARANDO  
Gaztetxulo/05-10-07

### HERRITARRENBERBAK/ Anjel Bergaretxe



## Biktima guztiak berdinak?

Bakegintza eta normalizazioa bilakatu dira mintzagai nagusi azken aldi honetan, eta biktimak ardatza. Egunkarietako orriak eta orriak eskaintzen zaizkie. Irrati, telebista zein parlamentuetako ordu mordo. Omenaldiak antolatzen dira, diru laguntzak onartzen...

Giza sufrimenduak sakonki ukitzen omen ditu gure politikariak, eta jakina, sufrimendu hori leuntzeko edozer egiteko gertu daude. Hori bai, ezinbesteko baldintza bete behar dute biktimiek, atentzio hori merezi izateko: ETaren biktimak izatea, hain zuzen ere.

Batzuk behintzat sistematikoki ahazten dute hemen beste biktima asko daudela. Batzuk gatazkaren ondorio zuzenak (talde polizial edo parapolizialek erailldakoak, torturatuak, sakanaturiko presoak eta senitar-tekoak), eta beste batzuk gatazkarekin harremanik ez dutenak.

Azken hauetako batzuk ekarri nahi nituzke gogora gaurkoan. Azken urteotan ETak baino

hildako gehiago erakarri dituzten bi eragile hain zuzen ere.

Batetik genero bortizkeria bezala ezagutzen dena. Hau da, emakumeek, emakume izateagatik soilik pairatzen duten biolentzia. Normalean euren bikotekideen aldetik gainera. Ia egunero izaten dugu erasoren baten berri (eta hori gehienak, oraindik ere, isilpean gelditzen direla), baina hala ere, askorentzat hau arazo pribatua da, domestikoa. Ez dago, beraz zer eginik. Ezin du inork muturrik sartu.

Beste eragilea, lan "istripuena" da.

Aurten bertan 50

langiletik gora hil dira euren lan tokian. Baina jakina, izenak berak dioen bezala "istripuak" direnez, zer egingo dugu ba?

Badakit gai hauek ez direla errazak, baina ziur naiz beste biktima batzuei eskaintzen zaien beste esfortzu eskainiz gero, aurrerapauso handiak egin litezkeela. Baina antza denez, maila ezberdineko biktimak daude. Eta jakina, hauen errentagarritasun politikoa txikia da bestearekin konparatuz gero.

**"Aurten 50 langiletik gora hil dira lan tokian. Baina jakina, izenak berak dioen bezala "istripuak" direnez, zer egingo dugu ba?"**

Aretxagazeta

Durana 11  
20550 ARETXABALETAN  
Tel.: 943 79 86 21  
Faxa: 943 77 18 54

Posta-e: aretxagazeta@goiena.com

ZUZENDARIA  
Mirari Altube

ERREDAKZIOA  
Mirari Altube

MAKETAZIOA  
Alex Azkarate

PUBLIZITATEA  
Ziortza Martin

ZUZENTZAILEA  
Sergio Azkarate

LEGE-GORDAILUA  
SS-378-94

ISSN  
1134-2609

TIRADA  
3.800 ale

ARETXAGAZETA / ZE BARRI? • Edizio honek erakunde hauen laguntza izan du:



Eusko Jaurlaritzako  
Kultura Saila



Gipuzkoako  
Foru Aldundia



Aretxabaleto  
Udala



Eskoriatzako  
Udala



Leintz Gatzagako  
Udala